
ВАТАН БАЙРОФИ

Ўзбекистон Республикаси Давлат байроғи тўғрисида"ги қонун 1991 йил 18 ноябрда Ўзбекистон Республикаси Олий Кенгашининг навбатдан ташқари ўтказилган VII сессиясида қабул қилинган. Байрокдаги мовий ранг тириклик мазмуни акс этган мангу осмон ва обиҳаёт рамзи. Тимсоллар тилида бу – яхшиликни, донишмандликни, ҳалолликни, шон-шуҳрат ва садоқатни билдиради. Бинобарин, Амир Темур давлати байроғининг ранги ҳам мовий рангда эди. Яшил ранг – табиатнинг янгиланиш рамзи. У кўпгина ҳалкларда навқиронлик, умид ва шодумонлик тимсоли ҳисобланади. Навқирон ярим ой тасвири бизнинг тарихий анъаналаримиз билан боғлик. Айни пайтда у кўлга киритилган мустақиллигимиз рамзи ҳам. Давлат байроғимиздаги 12 юлдуз тасвирини ўзбек ҳалқи маданиятининг қадимийлиги, унинг комилликка, ўз тупроғида саодатга интилиши рамзи сифатида тушуниш лозим.

2020-11-18 18:46:25